

Fra: Elin Danielsen Huckerby <elin.huckerby@gmail.com>
Sendt: fredag 17. juni 2022 13:46
Til: Post Alver tilsyn
Emne: Vedrørende saka om støy frå Danielsen Ungdomsskule

Hei

Grethe Elin Mjelde ba meg skrive til denne adressa for å melde inn eit par ting me gjerne ville tilføye.

Det eine me har tenkt på -- og her har me snakka med ein god del naboar langsmed, samt andre, også forledre til elevar på skulen -- er at det hadde gjort ein svært viktig skilnad dersom det kom opp eit støygjerde langsmed skulegarden, nedovre langs Mjåtveitvegen, med trer (forhåpentlegvis litt store allerede, så det ikkje tek ti-femten år å vente på at dei veks til) langs innsida hjå skulen. Då hadde me som bur her fått hagane og bustadfeltet vårt attende. Me hadde fått attende grenda, midtsomargrenda, som ligg her oppe, der det før berre var grønt på andre sida, og stille og fritt.

Dette gjerdet må nok vere relativt høgt for å gjere adekvat skilnad. Som forklart tidlegare, ligg plassen no i botnen av ein dal. Om ein då ser for seg at lydbølgene smell frå den eine til den andre sida, og forsterkast i dei dei vert reflekterte og går i fase, så er det desse som må brytast.

Eg nenvte ønsket om eit gjerde til rektor ved skulen, men han meinte det var umogeleg å vite om eit gjerde ville hindra lydbølgene. I tillegg var eit gjerde problematisk, fordi det gjekk an å skjule seg bak. Men me veit jo det, at om ungdommar ønskjer å finne eit gjerde å gøyme seg bak (eller ein husvegg -- skulen er grei å skjule seg bak) så finn ungdommar dét... Slik er berre verda. Det må då vere meir viktig at både barn, vaksne og gamle her oppe får kvardagsliv og søvn tilbake enn muligheten for at ein ungdom kan finne eit gjerde å få litt tiltrengt bak -- det vonar me i alle fall sterkt :)

Det andre me ville sei, var at me har sett nøye på kvifor trampolina lagar sånn støy. Det er ein ting når små ungar hoppar, men når vaksne-i-kroppen ungdommar og unge menn hoppar, kjem denne store lyden. Me trur det kjem av at mattene, sikkerhetsmattene rundt, smell opp, og så smell ned for kvart hopp. Derfor forsterkast det slik. Kanskje der kan lagast til ei anna løysing der dei ligg fast eller noko slikt?

Det tredje eg må få nevne, er at å observere dette no, eller gjere målingar eller liknande, det er jo ikkje noko ein kan gjere no i somarferien. Her er mykje mindre traffikk no (bilane i den nye Mjåtveitvegen køyrer forøvrig stadig langt over 40 nedover der, og der er ingen skikkelig fotgjengarovergang -- eg vil gjerne at det noterast at eg ventar kvar dag på ei ulykke med eit born på skulevegen skjer). Og så er her jo no ingen på skulen, og ingen på folkehøgskulen (og dei der oppe nyttar sjølvsaft anlegget mykje). Men akkurat dette tenkjer eg jo dykk heilt sikkert allereie har teke med i betraktninga :)

Takk for at dykk hjelper oss med dette! No er me utruleg glade og optimistiske til at dette vert håndtert på ein god måte som gjev oss trivselen attende, og eg veit fleire naboar er takksame for at kommunen høyrde oss og no hjelper oss alle :)

Venleg helsing og god somar frå
Elin

Dr Elin Danielsen Huckerby

Tlf: + 47 97524295

elin.huckerby@gmail.com